



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: UP-1/21-3-40-285-5/23
Datum: 18.09.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica „Kamenolom Drijenča“ d.o.o. Gračanica za izdavanje vodne dozvole za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja aktivnosti na prostoru kompleksa objekata namjene: eksploatacija i prerada mineralne sirovine krečnjaka, lokalitet Malešići, općina Gračanica na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Kamenolom Drijenča“ d.o.o. Gračanica daje se vodna dozvola za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja aktivnosti na prostoru kompleksa objekata namjene: eksploatacija i prerada mineralne sirovine krečnjaka, lokalitet Malešići, općina Gračanica.

2. Ova vodna dozvola se odnosi isključivo za aktivnost ispuštanja oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta na lokaciji kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav (2) tačke 1. i 2. Zakona o vodama.

3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokalitetu i pod slijedećim uslovima:

3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.

3.2. Da se objekti čija je svrha odvođenje i prečišćavanje voda (betonski trokomorni separator ulja, masti i naftnih derivata, obodni kanali, usmjeravajući nasipi-grudobrani, betonski dvokomorni taložnik, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.

3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti u skladu sa Prilogom 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).

3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).

3.5. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima

ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.6. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.7. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoku i na njegove obale.

3.8. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

3.9. U toku izvođenja radova kao i same eksploatacije iskopani materijal i frakcije prerađene industrijske mineralne sirovine krečnjaka ne smiju se ni privremeno odlagati na česticu «vodno dobro», odnosno u vodotok i na njegove obale.

3.10. Da u toku važenja ovog rješenja vrši redovno održavanje izgrađenih usmjeravajućih nasipa (grudobrana).

3.11. Da u toku važenja ovog rješenja izvrši na sjevernoj strani manipulativnog prostora podizanje platoa minimalno za 50 cm sa nagibom istog za tok voda prema taložnici.

3.12. Da ukoliko rezultati analiza vode ukažu na prisustvo ulja i masti iznad dozvoljenih vrijednosti propisanih Uredbom, tada se Investitor obavezuje da izvrši ugradnju separatora ulja i masti sa koalescentnim filterom u skladu sa normom 858 EN.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, pravno lice je dužno provoditi sve mjere i aktivnosti propisane istom.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. U ovoj upravnoj stvari plaćene su sve upravne pristojbe.

10. Ova vodna dozvola, shodno članu 117. stav 1. Zakona o vodama se daje sa rokom važenja od pet godina od pravosnažnosti ovog rješenja.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Kamenolom Drijenča“ d.o.o. Gračanica obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja aktivnosti na prostoru kompleksa objekata namjene: eksploatacija i prerada mineralne sirovine krečnjaka na prostoru površinskog kopa-kamenoloma, lokalitet Malešići, općina Gračanica.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Aktuelni izvod iz sudske registra izdat od strane Općinskog suda u Tuzli – ovjerena kopija,
- Uvjerjenje o poreznoj registraciji od 17.12.2012. godine izdato od strane Kantonalnog poreznog ureda u Tuzli – ovjerena kopija,

- Uvjerjenje o registraciji obveznika poreza na dodanu vrijednost, broj: 04/5-1-II-17-1-1735-3845/05 od 11.11.2005. godine izdato od strane Uprave za indirektno-neizravno oporezivanje Banja Luka – ovjerena kopija,
- Rješenje o urbanističkoj saglasnosti, broj:UPI/03-23-2-266/10 od 17.08.2011. godine izdato od strane Federalnog ministarstva prostornog uređenja – ovjerena kopija,
- Rješenje o vodnoj dozvoli, broj:UP-I/25-3-40-311-4/18 od 10.07.2018. godine izdato od strane Agencije za vodno područje rijeke Save, Sarajevo – ovjerena kopija,
- Rješenje o okolinskoj dozvoli, broj:UPI 05/2-02-19-5-108/21 MK od 23.08.2021. godine izdato od strane Federalnog ministarstva okoliša i turizma - ovjerena kopija,
- Rješenje o odobrenju izvođenja radova po Dopunskom rudarskom projektu, broj:03/1-18-054344/12 od 17.12.2012. godine izdato od strane Ministarstva industrije, energije i rudarstva Tuzlanskog kantona – ovjerena kopija,
- Rješenje, Up/I broj:03/1-18-4272/15 od 03.06.2015. godine izdato od strane Ministarstva industrije, energije i rudarstva Tuzlanskog kantona – ovjerena kopija,
- Rješenje, broj:UPI-03/1-18-015375/18 od 22.05.2018. godine izdato od strane Ministarstva privrede Tuzlanskog kantona - ovjerena kopija,
- Odluka Vlade Tuzlanskog kantona, broj:20/1-190/23 od 27.06.2023. godine – kopija,
- Ugovor, broj:129/14 od 24.12.2014. godine sklopljen sa „Inspekt RGH“ d.o.o. Sarajevo – ovjerena kopija,
- Ugovor br.375-01/21 od 29.06.2021. godine sklopljen sa „Kemeko-BH“ d.o.o. Lukavac sa transportnim listom br.460-04/22 od 20.04.2022. godine – ovjerena kopija,
- Ugovor broj:79/12 od 28.06.2012. godine potpisan sa J.P. „Komus“ d.o.o. Gračanica - ovjerena kopija,
- Ugovor sklopljen sa JP „Vodovod i kanalizacija“ d.o.o. Gračanica, broj:03-85/2020-SH od 03.03.2020. godine – ovjerena kopija,
- Račun, broj:1839/2023 od 13.07.2023. godine izdat od strane J.P. „Komus“ d.o.o. Gračanica – kopija,
- Izvještaj o monitoringu kvaliteta i kvantiteta otpadnih voda na lokaciji „Kamenolom Drijenča“ d.o.o. Gračanica urađen od strane „Inspekt RGH“ d.o.o. Sarajevo, broj:1017/23 od juni 2023. godine,

B. Tehnička dokumentacija:

- Projekat izvedenog stanja – poslovni objekat kamenolom Drijenča Malešići, Grad Gračanica urađen od strane PGP Hidroinžinjering d.o.o. Tuzla, juni 2023. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj na lokalitetu i tom prilikom sačinjen Zapisnik o izvršenom uviđaju broj: UP-1/21-3-40-285-3/23 od 14.09.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Kamenolom Drijenča tj. uža lokacija rudnika krečnjaka Drijenča se nalazi na području MZ-e Malešići na udaljenosti 3,5 km od centra Gračanice.
- Na prostoru kamenoloma instalirani su i izgrađeni sljedeći sadržaji: upravna zgrada, radionica sa kanalom, skladište i pretakalište goriva, ostava, portirnica, pumpna stanica sa cisternom za tehnološku vodu, taložnik za površinske vode, betonski separator goriva, masti i ulja, vanjski wc-e, dvokomorna septička jama bez preliva, regulisano korito potoka Drijenča.
- Za piće radnika se koristi flaširana voda.
- Za sanitarne potrebe i vanjski wc se koristi tehnološka voda iz podzemne cisterne koja se puni od strane JP „Vodovod i kanalizacija“ d.o.o. Gračanica.
- Tehnološka voda se akumulira u podzemnoj dvoplaštnoj cisterni zapremine $V=25 \text{ m}^3$ iznad koje je izgrađena pumpna stanica sa vodovodnom, mašinskom i elektro opremom za zahvat vode iz cisterne i pumpanje petostepenom pumpom prema separaciji gdje se prema potrebi vrši obaranje prašine (orošavanje) u sušnim periodima godine.
- Sve površinske vode koje nastaju na krovu objekta se smatraju čistim vodama i putem oluka, slivnika i cjevovoda su odvedene u potok Drijenču.

➤ Površinske vode koje su opterećene pijeskom, sitnim kamenom, blatom i td. nastaju na površinama koje obuhvataju: prostor eksploatacije kamena, prostor separacije kamena, radno-manipulativnim površinama se sakupljaju i tretiraju u dvokomornoj taložnici koja se nalazi na zapadnoj strani kamenoloma. Taložnica je izgrađena prema Glavnom rudarskom projektu, dvokomorna dimenzija 2,9x5,6 m dubine H=1,5 m sa debljinom zidova i donje ploče 20 cm. Oborinske vode obogaćene suspendiranim materijalima, blatom, pijeskom i kamenom pri atmosferskim padavinama ulaze u prvu komoru taložnice gdje ostavljaju teže materijale a zatim preko prelivnog zida ulaze u drugu komoru gdje se vrši dodatno taloženje. Nakon taloženja voda iz druge komore odlazi cjevovodom prema potoku Drijenča. Na kraju cjevovoda prije ušća u potok se uzimaju uzorci za ispitivanje kvaliteta vode od strane ovlaštene laboratorije prema važećim propisima koji regulišu tu oblast.

➤ Da ne bi površinske vode direktno oticale u potok na zapadnoj strani kamenoloma tj. uz lijevu obalu potoka je izgrađen nasip koji ne dozvoljava oticanje površinskih voda direktno u potok. Površinske vode dijelom uz nasip a dijelom najnižih kota manipulativnih puteva odlaze prema taložnici kako sa sjeverne strane tako i južne strane. Usmjeravajući nasipi odnosno grudobrani su izgrađeni od materijala iz kamenoloma koji sadrži pomiješanu glinu sa kamenom koja je ugrađena u slojevima po 20 cm uz potrebno nabijanje. Visina nasipa je prilagođena obliku terena i količini vode koja se akumulira uz nasipe. Minimalna visina nasipa je oko 60 cm. Na sjevernoj strani manipulativnog prostora je potrebno izvršiti podizanje platoa minimalno 50 cm sa nagibom istog za tok voda prema taložnici.

➤ Uz objekat skladišta sa istočne strane se nalazi manji oivičeni betonirani plato površine P=17,50 m² sa rešetkom za prihvatanje eventualno zauljene vode i površinske vode sa tog platoa. Voda se cijevima odvodi u postojeći AB separator sa 3 komore gdje se vrši njeno tretiranje tj. odlaganje svih materijala lakših od vode (ulja, masti, ostatka goriva i td.) i tako tretirana voda se odvodi u recipijent – potok Drijenča.

➤ Za smještaj ulja, goriva i maziva je izgrađen zatvoreni objekat od betona i betonskih elemenata dimenzija 6x6,60 m visine 3 m sa klupama za ulja i maziva. Takođe u ovom objektu je smještena cisterna za gorivo sa dvostrukim plaštom zapremine V=5,00 m³ koja se nalazi na nosačima na vodonepropusnoj AB ploči. Uz cisternu je montiran sklop sa pištoljem za pretakanje goriva. Ispod sklopa sa pištoljem je postavljena PHD posuda za prihvatanje eventualno rasutog goriva i takođe kao mjera predostrožnosti je obezbjeđena posuda sa pijeskom i drugi potrebni pribor. Iznad vodonepropusne ploče u skladištu je izrađeno soklo visine cca 20 cm od AB tako da bi se izgradnjom AB praga na ulaznim vratima skladišta visine 15 cm dobila potrebna zapremina (tankvana) koja bi usljed totalne havarije cisterne mogla primiti cjelokupnu količinu goriva da se ne izlije direktno van objekta.

U skladištu su smještene posude-kontejneri za odlaganje zauljenih krpa, zaprljanog pijeska, posuda od ulja i masti kao i drugih zamašćenih materijala koji se zajedno sa uljem, mastima i talogom iz separatora odvoze putem ovlaštenog operatora do daljnjeg zbrinjavanja uz sačinjen Ugovor sa Investitorom uz vođenje evidencije odvoza opasnog otpada.

➤ Rezultati monitoringa tj. kvantitativnih i kvalitativnih karakteristika efluenta su urađeni od strane „Inspekt RGH“ d.o.o. Sarajevo i isti su ukazali da izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente u skladu sa odredbama Uredbe.

➤ „Kemeko-BH“ d.o.o. Lukavac vrši čišćenje separatora i zbrinjavanje opasnog otpada, po ugovoru.

➤ JP „Komus“ d.o.o. Gračanica vrši uslugu utovara, odvoza i deponovanja smeća, po ugovoru.

➤ JP „Vodovod i kanalizacija“ d.o.o. Gračanica vrši uslugu točenja vode na hidrantu za kupca, po ugovoru.

➤ U skladu sa zahtjevima iz Rješenja o vodnoj dozvoli, broj: UP-I/25-3-40-311-4/18 od 10.07.2018. godine pravno lice je izradilo projektnu dokumentaciju Projekat izvedenog stanja – poslovni objekat kamenolom Drijenča Malešići, Grad Gračanica koji je urađen od strane PGP Hidroinženjering d.o.o. Tuzla, juni 2023. godine.

➤ U prethodnom periodu, od izdavanja rješenja o vodnoj dozvoli broj:UP-I/25-3-40-311-4/18 od 10.07.2018. godine, pravno lice nije vršilo dogradnju i/ili izmjenu sistema –hidro fazu na ovom lokalitetu.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu

zahtjeva su ovom vodnom dozvolom propisani uslovi kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Kamenolom Drijenča“ d.o.o. Gračanica ispunio minimum uslova za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode sa lokacije površinskog površinskog kopa-kamenoloma Drijenča, lokalitet Malešići, općina Gračanica, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70,00 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja Rješenja

Po ovlaštenju
Rukovodilac sektora za izdavanje vodnih akata



Hari Alisehović, dipl. inž. građ.

Dostaviti:

- „Kamenolom Drijenča“ d.o.o. Gračanica
Malešići bb, 75320 Gračanica, (kao u prilogu),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava